

## **Altes Sulgamer Narrenlied**

*(von Studienrat Bucher 1935)*

1. Raus, ihr Mädla, raus, ihr Buba,  
:: raus, ihr Eheleut, ::  
:: aus de Kammra, aus de Stuba  
Fasnet ist es heut! ::

Mer ärgert sich s´ganz Johr,  
Schilt über jedes Hoor

Jetzt mach i über alls an Witz  
Und lach zu jedem Hennapfitz!

Hi, hi – Narro!  
A jeder Narr macht´s so!

Lacha tun mer, tanza, springa,  
Gar nix soll uns heut draus bringa!

Hi, hi – Narro!  
A jeder Narr macht´s so!

2. ´naus die Sorga, ´naus die Grilla,  
:: jetzt ist Narralauf! ::  
:: Jeder ist an Narr em Stilla,  
mach em´s Türle auf! ::

Mir ischt a Rädle los,  
a Rädle rießagroß.

I glaub, i hau an Sparra z´viel,  
Drum gang i mit em Narrespiel!

Hi, hi – Narro!  
A jeder Narr macht´s so!

D´Narra juckt´s en alle Knocha,  
D´Mucker, dia hont sich verkrocha!

Hi, hi – Narro!  
A jeder Narr macht´s so!